


# ঝরিরি

লালজি মাহাত





ঝরিঝরি

লালজি মাহাত

মূলকি কুড়মালি ভাখি বাইসি

**JHIRIHIRI**  
(A Collection of Jhumur Geet)  
By  
Lalji Mahato

ইক লেখইআ

পহিল নিখরন : ডিসেম্বর, ২০১৫

মলাট : সাধন মাহাত

আখড় বিছন : বুদ্ধেশ্বর মাহাত

নিখরনে মূলকি কুড়মালি ভাখি বাইসিক তরফলে সাধন মাহাত, বি.টি.সরকার রউড  
মিউনিসিপাল কমপেনেক্স, পুরইলা।

উখড়নে জইসিরি পেরেস, ৯১/১ বি, বইঠকখানা রউড, কলিকাতা- ৭০০ ০০৯।

রিন সিকার  
অসউক কুমার মাহাত, মনডলকুপি, সালবনি, পঃ মেদিনীপুর

বেহরি ৭০ টাকা



মাদইরা ভাই  
বদন কালিনদি





নমঃ নমঃ জনম টিঢ়া, গাছপালহা মাটি ধূৱা গউ  
ৰূপ দেখি জুড়াই আঁখি দুখ চলি জাই।।

ৱং- গড় লাগঁ হাঁথ জড়াই  
আসিস দে ওগউ বসমতা মাঞ।।

পৰব তিহাৰেক লাগি, জেসন ৰঁহে পাৱ জাগি গউ  
ঝুমইৰ গিতেক সুৱেক জেসন মনটা না জিগড়ায়।  
নাই নিজেক গুন গিআন, তৰে দহাই সাঁঝা বিহান গউ  
সমাজে মানুসেক গঠে পাউঅঁ জেসে ঠাই।।  
দিনহিন লালজিই কহে কৱিস না টুঅৰ অসমইএ  
ছউআ কহি বাসে গউ আজিৱন চুমা খাই।।





দিঅ কান পাতি রাখা সবাই সুনি  
আজ ইসটিলেকর ডরে কাঁদেহেক জারমুনি,  
পিতর কাঁসা দুখ বেড়ি হউ।  
মাটিক ঠিলিআ হাড়ি, কাঁদত মুড় গাড়ি  
ফাইবারেক খাভলে পড়ি হউ।।

রং- হাই রে সমাজ, কাঁদেহেক আইজ  
ঢেইর চালাকে ঠেঁগে দড়ি হউ।।

পাইরা, ছাগইর, ভেড়া, দেসি খুখড়ি, হাঁস  
আজ সবাইর মুরাইদ গেলেন আইকে পলটি মাস  
চাহিদা নাই রুই পেড়ি হউ।।

বাড়িক কানা সাগ হেলেক বেমুরাইদ  
বাঁধা কপিই দেলেক সিন্কেড তাড়ি হউ।।





আগু দুধে ঘিউএ মহকে হেলেন সবাইর ঘার  
ঘর দহিকর রাজততঅ নাই আর  
এখন মদ গাঁজাক মাতবব্রি হউ ॥  
জনহার, মডুআ, গুঁদলি, কদঅ, হেউএ হেলেক ছঁদরঁদ-  
আজ সবাইর মুখইন গেলেইন লড়ি হউ ॥  
বাপেক পিঁধল কাচা, মাএএক পিঁধল ঠেঁঠি  
আজ ভএল জরজটে ঘার সামাউলিক পিটি  
পাচন, পুতলিকর নাই বাহাদুরি হউ ॥  
এহে দেনা পাউনাক দসে, মেহেরারক পাसे  
মরদেক মু গেলেন পড়ি হউ ॥  
জনমিকে মানুস সাজলাহাত পসু  
ভুলি জাহাত আহাত বাঁদনা, করম, টুসু  
এখন হিরঅউ সাজত কমর লাড়ি হউ ।  
নাই আসল গুরু নকল পুজা সুরু  
দেখা সার খাউআ মানুসেক টেড়ি হউ ॥  
অঁগসে নাই বাড়ি সেহে গনাই চাসি  
বঁগসে নাই দাঢ়ি সে গনাই সইননাসি ॥  
জুগেক লিলা বলিহারি হউ  
নিতি বেবহারে তইরফালি বিচারে  
কবি লালজি গেলাক মরি হউ ॥





বহনইএক দমে আসা , সসুর ঘারে খাবেই হাঁসা  
হাঁসেক বদল জুটি গেলেক বাঁস, বাঁস রে ॥

রং- লাজে বহন দেখাই নি ছ মাস ॥

আজি সাসে ঠেঁগা ঠকি পানি দেল আধা ঘটি  
নাসতা না পাই করেই চুস চাস, চুস চাস রে ॥

বিনা দুধেক তাতল পানি  
ঢেইর খন বাদে দেলথিক আনি  
সালাসালি কেউ নি হেলথিক পাস পাস রে ।  
পন টাকা লেলে চিপি, লালজিই কহেই জাবে সিখি  
ভুখে পিতাএ জাবে জদি আনে জাস জাস রে ॥



বনেক রাজা বাঘা, বেটাক বাপ তাকর আধা  
মটা মটা অরাকর সউআল ॥

রং- দেখা জুগেক হাল গউ জুগেক হাল  
গরিবেকর বাঁচি রহা কাল ॥

বাড়ল বেটিকর লাগি দেহি সুখেন কাঁদি ভাবি  
বেচাই জাহেন ঘার টিটা বহাল ॥  
পাত তড়ত মাটি কড়ত, ঘামাঘরা খাটি মরত  
তাউ অরাক জইননেই আড়ি আহাত খাল ॥  
লালজিই গাউঅইএ গিত, দেখি সমাজেক রিত  
ভাবি ভাবি মগজ গউলমাল ॥





রং- থাকে হেলিস মুহেক মধু বাসলে আজ পর  
তর লাগি হেলা বাদি ঘারে বাইরে মর ॥  
নিঠুর নিদইআ সাজি, বিদেশে রহলে মজি  
তর বিনু মাইরি বঁধু লরে সরবর ॥

লেইএ পানিকর ঘেইলা সাঁঝ বিহান দুই বেলা  
কতেক রখম হাঁসি খেলা জারে ডুমইর তর  
অধম লালজিকর বানি গড়লাগেহেইন হামি  
সেসেক সমই রাঁগা গড়ে দিহা গউ ঠহর ॥



রং- দু পহরে বাসি গউ মাঞ দুপহরে বাসি  
সসুর ঘারে কবউনি জাই সরদি আর কাসি  
ভেঁসুরউ দেত হাঁসি ॥

দেখি সাসেক মচালাড়া, ডরে সসুর চুটিয়া গাড়া  
ভাবি ভাবি আইখ দুঅটা গেলি জে গউ ভাসি ॥  
বংবইলা জামাই তর, খালভরাই অ বাসেই পর  
অসধ বড়িক নাম করলে ফুলাই দেতউ বিসি ॥  
রিমচি ননদেক বলি, সুনলে গাথ জাতউ জলি  
লালজিঅউ দমে মনখলি খজি বুলেই উসি ॥





আঁখিকে ইসারা গপনে গপনে  
শিখাউলে পিরিতি জতনে জতনে  
আজ বঁধু নিঠুর হেলে কেসে  
পিরিতি করিকে, ছাতিই আইগ জরিকে  
ভুলি আহিস জইএ বিদেসে ॥

রং- বঁধু কন দেসে , ছাড়ি চলি গেলে কাঁচা বইঅসে ॥

ঘারে বাহিরে হেলা মর বাদি  
কলংকিনি হেল তর পিরিতি লাগি  
আরউ কিনা জে হেউএই সেসে ।  
লেলে জাতি কুল হেলে ডুমইর ফুল  
গিরাউলে হউ দারুন ফাঁসে ॥

পাগলিনি সাজি বুলিবুল একা  
ইজনমে আর হেতিন নি দেখা  
ঘুরবেন নিঁহি মধু চুসে (ভালোবাসে)  
আঁখি ভরি লর ছাতি ভিজে মর  
রাইত বিতাইঁ মন উদাসে ॥

মুহেকর মধু গুনেকর সাম  
ভুলে নিহি পার ভালবাসাক টান  
চাতকি নি রখম আই আসে  
মুঢ় লালজিই কহে সেসে কর সমইএ  
গড় তরে ডেরা দিস জেসে ॥





আইএ বিএ পাস, লেখাপঢ়া বারমাস  
অকর সাজেই কলম খাতা রে  
নিহি জানেই অ, আ, ডেড়গনডা ছউআ  
অকর সাজেই ঠেঁগা ছাতা রে ॥

রং- ঘার সাজেই বুঢ়াই, কুলহি সাজেই মুঢ়াই  
পুরবা পুরুসেকর কথা রে ॥

হাড়ি সাজেই কানখাই দুআইর সাজেই ঝাঁনকাঁঞ  
বুড়িক সাজেই ঠেঁগা ঠকাইর ।  
বিহা সাজেই ছামড়াই গঠ সাজেই দামড়াই  
বেটি ছউআক সাজেই খঁপা রে ॥

নাক সাজেই নথনিই, গিরসতঅ গতনিই  
হারেক সাজেই চড়ই বুঁটা রে ।  
দকাইনাক দসনা বুলকাকর চসমা  
দালালেকর সাজেই ওতা রে ॥

মুড় সাজেই পগড়িই আখড়া সাজে নাগড়িই  
ছুটু ছউআক সাজেই টুপা রে  
কানপাতি সূনা লালজি আহে টুনা  
কেথিঞ সাজতেক গজা মু টা ॥





আইগে ডরাক পানিকে গরুই ডরাক ঘানিকে  
বনেক রাজা বাঘউ ডরাক কলিজুগেক জেনিকে  
বেঁগ ডরাক টঁঢ়কে, বেটিক বাপে ডরাক বরকে  
লউতন কুটুমে ডরাক পরসুনেক বরকে ॥

জরে ডরাক বড়িকে, চিলহে ডরাক দড়িকে  
বুঢ়া কাড়াই ডরাক ভাই বড়অ বড়অ লড়িকে ॥  
জাড়ে ডরাক কাঁথাকে, রউদে ডরাক ছাতাকে  
বুঢ়া বুড়িই ডরাথিন পুতহু আর বেটাকে ॥

নিখাই ডরাক উলাকে কাঠে ডরাক চুলহাকে  
বাগটিলুই ডরাক ভাই বাবলা কাঁটাক ঠুলাকে ।  
ঘড়াই ডরাক জভিকে ছউআই ডরাক লভি কে  
কুকুর দেখি সিআর খেখি পারাত নেজ তুবিকে ॥

লুলহি ডরাক পাঁঠিকে ফড়িং ডরাক চঁটিকে  
আজ কালুক বহু বেটিই ডরাথিক ঠেঁঠিকে ।  
চরে ডরাক কচাকে সাধুই ডরাক খঁচাকে  
হিনদইআর লালজিই ডরাক বড় বহুক মচাকে ॥





বাঁদনা পরব হেউএক আসিন মাসেক চাঁদে  
ছাতা, জিতিআ পরব পাইরাইল বাদে  
বছর দিন কতেক হবে গউ (লউ)  
রহেক জে গলা খিসড়ি চিকনাই দিউঅইক বছরি  
খেবই পিঢ়া, আনগা সবে গউ ॥

২৭- কেসন রিতঘিত বাধনা পরবে গউ ॥

মুরাইদ হেলে দিউঅইক ইঁটেক ঘারে চুন  
মাটিক ঘার গিলাই ডাঁড়াই দিউঅইক কুন  
রুগড়ি পলি লাগেই সভে গউ  
লালমাটি লেসি দিউঅইক গবর ঘাঁসি  
ছাঁছার মাটিই সেসে গাবে গো ॥

ঘারেক সভা আনত ধাইর লিপি লাপি  
কতেক মাইআ ছেইলাই পাঁচিরে ফুল আঁকি  
সাজাই দেখিক নানা রংগে গউ ।  
দেখতে দেখতে ঘাউআ, পহিল তেল দেউআ  
দিন খপি জাইক নেগে নেগে গউ ॥

ঘাউআকর বিহানে হেলেক আমাবইসা  
বেরা ঝিরিঝিরিএ গঠইর পুজাক নেসা  
খঁড় ডেগত গাই বাছুর বরদে গউ ।  
রাইতে পিঠাক ডিঁগ বাজেক গেজাঘিন



গাইজাগা ধিঁগুআনি সভে গউ ॥  
 পিড়িক পিড়ি আহেক নহেক দেখা লইআ  
 আমাবইসাকর বিহান দিন গরইআ  
 দাদুড় খেলা কুলহিক মইধে গউ  
 বেরাটিকে নলি পাহড় পাটা বলি  
 দিন দমে নিঅম ডেগে ডেগে গউ ॥

বরদ খুঁটা দিন মুড়িঅউর বাঁধা বাঁধি  
 গাই বাছুর চুমাউথিন লউতন লুগা পিঁধি  
 চালাই আউলাহাত জে ভাবে গউ ।  
 দুবঘাঁস আরুআ চার কাঠেক আঁগরা দরকার  
 কুলা পেছিআ লউতন সভে গউ ॥

দু পহরে গবর ঢুলাই দুব ঘাঁস গাড়ি  
 জাঁহাই পাউথিন বাছুর আনথিন ধরিধারি  
 ডেগাউথিন মু রহেক জেঁদে গউ  
 আমাবইসাক গুঁড়ি চক পুরি পুরি  
 সিঁদুর ঠঁপা দেখিক সঁগে গউ ॥

সইনধাবেলাই সুরু হেলেক বরদ খুঁটা  
 ঢারল ভাত আর মাসেক কনে কহেই কথা  
 লকে ঢেকাইর দেখিক আঁধে মুখেঁ গউ  
 রাখা সবাই সুনি চামড়া ধুনাধুনি  
 মাতাল লড়ত কাড়া গরুক সঁগে গউ ॥

বরদ খুঁটাক বাদে সবাই নিঘাঝাড়া  
 এখনউ তাউ বাকি রহলেক কাঁটাকাটা  
 গটা দিনটা জাক আমদে গউ  
 লালজি হিন্দইআরে ঠানিকে অনতরে  
 বাঁদনাক বেবরন দেল গিতে কর ছাঁদে গউ ॥





হাইরে হাইরে হামর কপালেকর লেখা  
কাঁদিকে ভাবিকে দিন জাইস দেখা ।

দেহিটা হে গেলি খইআ লউ ॥

কহি দেব কিনা নাই দুখেক সিমা  
তালে চলেই নিজে মারিভইআ লউ ॥

রং- সইঞা জুটলাহে মরল মুহা লউ  
নাই গুন গিআন হেকে জে সিআন  
বহিন জমি বেচি খেলেই জুহা লউ ॥

কনই কাজেকর নাইখেক টংগ  
দফা দফা বাড়ি করেস ভনাভন  
বেড়েক ভিতর আহি কুঁআ লউ ॥  
আলু কপি সুঁটি ঝিঁগা বরবটি  
কতেক বেচেইতেল মুলা লউআ লউ ॥

নিহি ধরে জানেই হারেকর বুঁটা  
ভিনাই দেলে কেসে পসবেইন ছউআ পুতা  
ভাবিগুনি তরাই কহা লউ ॥  
লালজি দমে কড়ি ঘুমাই রহেই অড়ি  
বাপে কিনা দেখি দেলাক বিহা লউ ॥





সারি সারি লাগাউঅলি, হামে ফুলেকেরি গাছ রে  
হেঁ ভাই, সেহ ফুলেক মহক সুবাস রে ॥  
ফুটল ফুলে বসিকে দিনভর আর রাইত রে  
হেঁ ভাই ভাঁউরা ভাঁউরিই করেই নাচ রে ॥  
মহমহ ফুলেক বাসে ভরল আসপাস রে  
হেঁ ভাই সভে জেসন বিনদাবনে রাস রে ॥  
ঝলমল রং দেখি জাইক ভুখ পিআস রে  
হেঁ ভাই, লালজিঅ করতউ সেহ চাস রে ॥



তর বিনু কিসউরি বিরহে মরিবে  
অউ গরিবে দুখে ছাতি উঠেই জরি জরি রে  
তহরে না হেরি লাগলি গুমিরি রে  
অউ গরিবে একা কইসে রহব দিল ধরিবে ।  
সুনে কান আড়ি, কঁহঁ হাঁথ জড়ি রে  
অউ গরি রে পরবাসলে লেম ঘেঁচাই দড়ি রে  
লালজি কহেই পেআরি বচন হামরি রে  
অউ গরি রে টেকাই দে আঁখিকে বারি রে ॥





তহর কারন, হেলি জে মরন

আঁখি লরে বহেই বান

ভালবাসিকে কুল নাসিকে

আজ হেলে জে বেইমান ॥

রং-ভুলি গেলে সাম

তর বিনু কাঁদইএ কাঁচা পরান

এসন জানলে কালা তর ঘেঁচাই মালা

নিহি করেই তেলঁ দান

জাতি কুল নাসি, হেলে পরদেসি

রাখে নি পারলে জবান ॥

ফুলেকে বিছনা মনেকে বিছনা

হেলি জে সুইন সসান

জইবুনক জালা সহাদাই কালা

কাঁদি ভাবিকে হাইরান ॥

পায়ে কন যুবতী পালটি গেলউ মতি

বিনা দসে দেলে বদনাম।

লালজি অধম কাচাড় খাই রে ধন

সুনি অভাগিনিকর বাখান ॥





বেটাক বিহা দেলেঞ রিঝে  
এখন ত বুঝাই নিজে  
সসুর জামাই হেলা একে পাটি  
বেটাই সুনৈ নিহি কন কথা  
ঘুমাই উঠতে পনে নটা  
বুঢ়া হাড়ে মরহঁ মঞ খাটি ।।

রং- বিনা বুঝি ফুসড়ি খাঁটি করি লেলঁ ঘাউ রে  
ছউআটাক সঁগ ছ মাস লে বনদ রাউ সাউ রে ।।

সবাই মনে রহত ঠানি  
সেসেক সমই মাড় পানি  
কন রখমে জুটতি কমবেসি  
তাকর উলটা জাহেক খটি  
বেটাই চিপেথিন টটি  
জরজালা হেলে পাইরাত খুসি ।।

রং- জই দিন খাটবে তইদিন চাটবে  
বইঅস গেলে ফেকাইর রে  
তেলেক দুখে কাঁদে হেতউ জাইকে রউদ ঠেকাইরে রে ।।

কলিজুগটা নহেক খারাপ  
মানুসেক হেলাহেন পাপ  
গুরু কহি নাই মানামানি  
বহুক গালে লেথিক চুমা  
বাপকে গাইর দেথিক কানা  
মাঞ বহিনকে কহেথিন হারামি ।।  
লালজিই কহেই দুনিআইএ চলহত বেতালে রে  
টেটিক গুনে মানুস এখন টুডুআত অকালে রে ।।





হামর মানভূমে ভাই রে গরিবেকর বাস  
কাঠকাটা মাটি চটা কাজ বারমাস।

রং- হাই রে মানভূমকে সাবাইস  
হাই হাই মানভূমকে সাবাইস  
বিনাপানিই হেউএই ধনি বুমইরেকা চাস।।

বুমইরেকা সুরে ভাইরে উড়েই ভুখ পিআস  
সেহ সুর বিদেশারাক নাই খাইএক ভাস।।  
ভাদর মাসেক একাদসি, জেদিন করম উপাস  
বাপকে ঘারে বহু নাচেই সসুর ঘারে সাস।  
বারমাসে তের পরব দেখেক বড় আস  
লালজিই কহেই পুস পরবে দুখেক পুঁজি নাস।।



পরসু দিনটা হামর ফুলিন  
কাঠ বেচে গেরহত তুলিন, গো মরি হাই হাই...  
হামকে দেখি পটকি দেল কাঠেক বঝাটা।  
রং- তুরুত কিনি খাউআই দেলা আঁখেক মাঝাটা।।

খুঁটে রহেন পইসা পানি  
ভাঠি সামহাই দেলা টানি গউ মরি হাই হাই  
এসন ফুলিন না হেলে কি পাবে মজাটা।।

লালজিই কহেই ফুল পরান  
রাখে পারলে সবদিন আরাম গউ মরি হাই হাই...  
মনে পড়েস মছআ মদ আর মাস ভুজাটা।।





সুনা সবাই কান আড়ি, মাঞ হেকি অমরিতেক হাঁড়ি রে...

মাঞেক দইআই গনালে ভাই মানুসেকর গঠে রে।

রং- ভাই জাইস না কুপথে, রে ভাই জাইস না কুপথে

তঞ ধনিমান তঞ বলিমান, হেলাহিস জগতে রে

দাদা মাঞেকর রকতে রে।।

মাঞেক দইআই আহিস বাঁচি

ঘুরি বুলরিস হাঁসি নাচি রে..

ভুলে গরব বুঝে দরদ পুজা সেবাই মাতে রে।।

গইআ, কাসি মথুরা, দরসনে পাউবে জুড়া রে

জতেকে দেবতাক ডেরা মাঞেক দুঅ বাঁটে রে।

দসমাস দস দিন বুললউ উভি

আজ জদি দেসিক আইখ নুবি রে

লালজিই কহেই জাবে ডুবি অকালে নরকে রে।।



পানিকে চালে সখি সুনে হউ বাত হামরা

দেখাই দেব, তকে কারি বরন ভাঁউরা।।

হাঁথে বাঁসেক বাঁসি ঘেঁচা ভরতি চাঁউরা

টেঢ়া টেঢ়া ভালেই কারি বরন ভাঁউরা।।

লালজি কহেই বানি বেড়ে রে পেরেম লহইরা

কদম তরে গেলে মাগেই দু পহইরা।।





মাইরি গউ ছ মাস বাদে আউঅরহি কতেক সাধে  
পাউলিনি ছাপা সাড়ি মন গেলেক ছিঁটি ।।

রং- বেড়ি আদরেক বেটি, আদরেক বেটি গউ  
গেলি জে লর ঝিটি ঝিটি ।।

বেটা পুতহুক ঘার মান রাখা হেলি ভার গউ  
খাউআইকে পাঠাই দেলেও মুলা গউআ সুঁটি ।।  
সমইএ নাই আইগ অধন, মনে পড়েই বেটিক বেদন গউ  
ছুটুক সমই ঘুমাই উঠি খাই হেলি বাঁটি ।।  
লালজি কহত বানি কতেক পাপি হেঁক হামি গউ  
পাঁচ টাকাউ জুটলিনি কাঁদি গেইল নাতি ।।



আনগাঁহি সসুরা পিঢ়াহি ভেঁসুরা  
তাউ দিদি, দেওরাক বাউয়া আইখে ইসারা  
বুঝাই হেলা মুচরা না হেতে বছর মুড়া  
ছট দেউর, হেলা ঘারেকা ঘুসরা ।।  
ঝুঁটি বাঁধল কেসরা আর দেখি নাঁখেক বেসরা  
প্রেম মাগেই, লালজি রঙে মাতল ছকরা ।।





উমইর আহউ কাঁচি      কাঁদিস না লর পঁছি  
জতনে সিখে পিরিতিটা গউ...  
কিনা দেব কহি      জানবে চিউড়াই দহি  
তাকর লউ জে তিনগুন মিঠা গউ...

২৭- অ সজনি গুনমনি

অ তঞ কাহে জে ডরাহিস ইটা গউ ॥

পিরিতে অজানা      সেই ত সেসে কানা  
পাউএই নি জাইএক ডহরটা গউ...  
ফারাকে না ঘুসে      আউএ ঘেঁসাই বসে  
সুখে জাতউ জিনগানিটা গউ...

পিরিতি করিকে      পাউএথিক হরিকে  
লাগি থাকলে জিগিড়জিটা গউ  
মুঢ় লালজিই কহে      পিরিতি কর দহে  
ঝাঁপ দেলে বুঝাবে মজাটা গউ ॥



বাজে বাঁসেকর বাঁসি দারুন বতর ঠানিকে  
সখিরে ঘেইলা লেইএ চালা জাব পানিকে।  
রসিকাকে পাইঅউক জদি সবাই মিলি আনিকে  
সখিরে খাউআই দেবেক চিউড়া ওড় সানিকে।  
বাঁসিআলেক পাসে বসাই দেবেক রাধারানিকে  
সখিরে কিনা করতা গাঁউএক লকে জানিকে।  
লালজিই কহেই পাইঅউক জদি জগতেক সামীকে  
সখিরে কাম নাই মর হিরা মতি মানিকে ॥





মনরে...

জনমিকে মানুষেক গঠে, গনালে নি কনই বাটে  
বাঁচা মরা সমান হেলউ তর।  
অরে অরে মন খলি, পাসান ফাটা দেসিক বলি  
অহঁগকারে হেলে রে বিভর।।  
পাউঅরহিস সনাক দেহি  
সনা রাখে পারলে নেহি  
মানুস জনমি মিছা কাজে রহলে তঁও মাতি রে।।

২৭- তর সনাক দেহি মাটি রে। (২বার)

আহউ বতর হেউএ সতর নাম মালা গাঁথি রে।।

মনরে...

কিরা খালে মাঞেক গরভে  
সে কামটা তঁও করবে কবে  
ভবে আইকে বনি গেলে সাঁড়  
নিহি মানলে সিইসঅ গুরু, জনমিকেই উতপাইত সুরু  
ছিছি ছি তর বেবহার।।

দেখি ভবে বেচা কিনা, আইখ রহিকে হেলে কানা  
ভবেক হাটে না চিনহলে কন সইছদাটা খাঁটি রে।।

মনরে...

ভবেক হাটে ঘুরি ঘুরি বেরা হেলউ ঝিরি ঝিরি  
ঘুরি জাই হেতউ আপন দেসে  
তর অবাবঝায় গেলউ দিন বেহিসাবেক হেলউ রিন  
হিসাবটা মিলাউআ পারবে কেসে।।  
বিধাতাকর ধন পাউলে, বেহঁইস হেইকে সব হেরাউলে  
নিজেক দসে দুখ হেলউ কাঁদিস লর ঝাঁটি রে।।



মনরে...

আপন জন ছউআ পুতা টাকা পইসা দলান কঠা

ঠানলাহিস জেটা মনে মনে ।

জতই করে ঠাট বাট জাবে জেদিন সসান ঘাট

সেই দিনটা আপন হেতউ কনে ॥

এসন জালে গেলে বাঝাই, সেস তককই মরলে অঝাবঝাই

পারাই নিহি পারলে লালজি, সেহ জাল কাটি রে ॥



রং- ছাড়ে বাছা মদ ঝান্ডি

নাই ত সেসে খাবে পাঁস পিনডি ॥

মাতিস যদি মদে জুহাঁঞ

ঘারকননা জাতউ ধউআই

টুপা ধরে হেতউ বার ফনদিই ॥

কহে দেহঁ কানে কুচি

খাবে হাঁসি খেলি নাচি

চাস করে সাগ পালহা ভেনডি ॥

বাটি আহউ কুআর বেটি

টাইড় গইড় ফুরাহিস বেকি

তর কি লালজি লাগলাহউ বাগচনডি- ॥





রং- বুঢ়া বাবা গউ গড় লাগেইহন হাঁঠু গাড়ি  
হামরা গরিবেক ছউআ আসিস দিহা ঢারি।

ঘেঁচাই আহন হাডেক মালা  
অঢ়ন পিঁধন বাঘেক ছালা  
ধইনঅ ধইনঅ তরাক লিলা সসানে ঘার বাড়ি ॥

তেলেক বদল বানি মাখি  
মটা মটা জঁট রাখি  
সাঁড় গরুক পিঠে চাপি দেস ঘুরাঘুর ॥

কহেই লালজি অভাগা  
দিহানা সেস কালে দাগা  
তরাক গডেক ধুরাক আসাঞ বাবা পাতি আইহ মুড়ি ॥



দকইনা ডেরি না করে হামর একটা কথা ধরে  
দে দকইনা পানেক পুটুম

রং- আউলাহাত লউতন কুটুম ॥

ঘার জাইনি করবেন মানা  
কুটুম গিলা হেকত রাইত কানা  
রাইতে চলত থাখাম থুখুম ॥

জরদা পান আর কালা পিলা  
কুটুমেই সভে খালা  
লালজি হেলাক চাটাম চুটুম ॥





সুনা ভাই—

টিম্গদাক পাথইরা মাটি

মুগ বিরহি জাঁতাজাঁতি

দেখে জাইহা পহিলা ভাদরে।

পাঁড়গা ডেমেক টুকু হুঁধে চরগালিক নাম ঢেলা ধুঁধে

হাঁকাসারা হেলেক ঢাইড় ছাগইরে।।

তিগড়া আর দুআইরসিনিঞ আলতি কচুক সনসনিকঞ

দুঅ কানে জাইক তালাপাড়ি।

চইতনডি চিতরপুরে হভড়ি গিরাউথিন কুকুরে

ডরে ডরেই চলত বুঢ়াবুড়ি।।

রং- হড়বহ হেঁটজাড়ি দেখে জাইহা মচদাড়ি

গাজাড় দেখি রে ভাই ডরাবেহে তরা

পাকাই দেলে হেতেক টুইড় জড়া।।

ঘুরি দেখা আসপাস হাড়গাডায় রপা বাঁস

তেলে পিআ মাছে জিউদারু

চপড়টাইড় কাউহানে কফি

সিঁদরি মউড়টা দেখিক তপি

কফি বেচি তেলালাক মর সাছু।।

মদমাতালে মুড়ু লহর নি ছাড়ি দেখিন ডহর

পাঁড়রামা বানাহটাই ঝিঁগা।

খাবে হে জদি মুড়ুআ চাড়পা তানাসি পালইনজা ইড়কা

জাহাজপুরে বুট খাসারিক ডিঁগা।

রং- ধবনি হেঁটবাটরি বৈইগনে গেলা উতরি

এসনে গাঁউ রে ভাই হেকেক রহিন গাঢ়া

লউআ লতে বাঝাই মরত কাড়া।।



সুনা ভাই—

চিটিডিহে মছআ কচড়া তেলেক কাম সৈক পিছড়া  
নিরইনা ধানে গুগুই মুরগুমা  
দুলমি বেসি কাড়া জোঁখে কচাহাতু চড়কি বখেঁ  
কুড়াইলা বাঁধডি বাবলা গাছে সনা ।।  
মাইরি করা বিসসাস উলুগেড়িআ রঁগে ফাস  
বালিআঞ ত ছউ নাচেক মেলা  
ভুলিকউ ত বেলামু জাসনা চেপটা হেবে গিরলে  
চিতমু গাঁউএ দমে কইলা ঠেলা ।।

রং- পাঁড়টাইড় আর ককুলাঘুট লউতন কুটুম গেলেই পাটু  
রামপুরউ রে ভাই চিটামাটি দমে ।  
কদকদালে জাবে জহননামে ।।

সুনা ভাই—

বড়াম সিংগভুম ঠাকুর সিমাই বুমইর নাচেক ভকতঅ দমাই  
বছর বছর নাচেক আখড়া  
কেঁদা নুনিআ হাড়মাডি কাঠ ফাড়াই আদাবাদি  
পগরউ দেখে জাইহা কুলহিক পিটা ।।  
আহাড়রা কর আসপাস সিরকাবাইদে আঁখ চাস  
পুটুস ধুঁধে হেলেক বাগ বিন্ধা ।।  
নাগড়া আর পলাসবনি কাঁসাইএক সঁগ টানাটানি  
ইট পাঁজাই অহে বার বাইনদা ।।

রং- দুরমা পাসে সিলফইড় সুধাই লেদা লেদা কইর  
হআঁগদা আর বাইদ হেঁট সুরল হাঁথিমুড়ি  
গউআ সুঁটি পাউলিঅন টুঁটি ।।



সুনা ভাই—

সিমরটাইড় আর কুসুমঠিকরি বেলভাসাউ দেখল ইঁচরি  
 চড়কে চড়কে গজা গজা মুলা ।  
 বেইলটাইড়ে রাইত জাগি গালগাঁউ পততাপুর ডেগি  
 সিরামপুরে ঘাঁঘরায় রাউ দেলা ।।  
 ঝালমামড়া মনিপুর পিপড়াটাইড় জনহারেক কুঁড়  
 চিটাহিঞ ত নাগাডাক নিসান ।  
 রাইনটাইড় আর বালিআগড়াই নাম জাগাউলা মাতাল কাড়াই  
 কামুকাপে খাল গউ বাইসাম ।।

রং- নিহি ঢুকে পারল ঘেঘরি মুকুঁদপুরে গেল জবড়ি  
 রহড়দাগাক ডহর ধরি চেতি গৌল দাদা  
 দেখি পাউল এক জাঁগ উপর কাদা ।।

সুনা ভাই—

ছুটুমুটু ডামরুঘুটু আঁধেমুঁধে পলাস ডুঁটু  
 সারজুমাতু টাটুআড়াই বিড়ি  
 আমড়া পাঁড়গা একেপাসে নাম জাগাউলা বুমইর নাচে  
 দেউলঘাটায় আহেক তুনতা ভিড়ি ।।  
 চইআডিক পসচিমে সিধা সামপুরে থিজুরেক গাদা  
 নউআহাতুই আহেক চাডাক চিড়ি  
 উকমা খইরি রাজাডেরা বাগদাবাঁধায় ডুবলি বেরা  
 চিরুগড়াই গুমাম হাফাডি ।।

রং- পুরুইলা জেলাই ঘার থানা কটসিলা পাঁড়গা ডেমধার  
 মেকারাম মাহাত নাতি সানতিরামেক বেটা  
 এহে পুটরা লালজিকর দউড় দেখা ।।





ছুটমুট মেজুরা দিঅ আইখে কাজরা গউ মরি হাই হাই  
উড়িকে বইসলি মেজুর ঘারেক আঁগনাই  
অলকঁকল দেউঅরেক ধরেক টংগ নাই ।।

কেরিআ বরন ডাঙ্ক রাউ কাড়েই কুঙ্ক কুঙ্ক গউ মরি হাই হাই  
ইসারাহিঁ হাঁকাউলিঅন আউআ টেকাতি  
অহঁগকাইরা দেউঅরেকর বড়অ হেঁকাতি ।।

মুট লালজিক মুড়ে পগড়ি চরাউএ লাই জাই ছাগরি গউ মরি হাই হাই  
বেসিআমটা লেগি দেবেইন কাঁসাক ডুভাটাই  
ঘামি গেলে ধুঁকি দেবেইন পিঁধল লুগাটাই ।।



কলিজুগে কিনা হেলেক আইন রে (২)  
দাঁত ভাঁগল বুঢ়া বরে বহু পাউথিন ফাইন রে ।  
মুরখঅ বরেক আহেক হাফ মাইন রে  
ঘড়িক বিনু রুসি রহেই দেখে জানেইনি টাইম ।।  
লালজি হেকে বিকাসেকর দাহিন রে  
নাচে ভেদাই লেখাপঢ়া ছাড়লাক উঠি লাইন রে ।।





জাবড় পাহাড়ে জনম লেলে সমুনদরে মন জুড়াউলে গউ  
তহর ডহরে আজ জৰেই হুবেক বাতি গউ ॥

ৱং— হাঁথ জড়ি কর মিনতি গউ (২)

ছউআ কহি ভালবাসে অ মাঞ কঁগসাবতি গউ ॥

ধন রতনে ভরল অঁগ দেখি লাগেই আননদ গউ

তহর মহিমা কাকর নাই বুঝেই সকতি গউ ।

নাচিস কুদিস আঁকাবাঁকা ৰূপেকর নাই লেখাজথা গউ

তহর দরসনে পাপ উড়েই কটি কটি কটি গউ ॥

অধম লালজিকর বানি সুখে জে সে জাই জিনগানি গউ

আসিস দিহা গঁগগা জবুনা সরসতি গউ ॥



ৱং- নিহি ভুলি জাব ছটকি

জতঅ না দিন আহি জিবন লটকি ॥

তঞ হামর মুহেক মধু হামি তর গুনেক বঁধু

ধান বেচি কিনি দেব চুটকি ॥

জা হেতেক আগু পেছু কেউ জদি কহত কিছু

চেনগি লেখে মরাই দেবেন পটকি ॥

হেউএ হেলাক উসুর হাসে হেলাক খুসুর খুসুর

ধমক সুনি লালজিঙ্গা গেলাক সটকি ॥





হাঁসি হাঁসি ভালবাসি মর জাতি কুল নাসি বঁধুরে  
 আজ দেস ছাড় বিদেশে গেলে রে ॥

রং- নিঠুর হেলে পিরিতে সিখাইএ দাগা দেলে ॥

মাইরি বঁধু তর লাগি সুখাই গেল কাঁদি ভাবি বঁধুরে  
 হামে বাঁচ কিনা বাঁচ এহে সেলে রে ॥

জই দিন ফুলেকর রং মধু খাই জুড়াউলে মন বঁধু রে  
 এখন বাঁপ দেসিক ই ডালে উ ডালে রে ॥

তঞ ঘুরিস হাঁসি নাচি লালজি বুলেই লর পঁছি বঁধুরে  
 ডাইর ছাড়া বাঁদরেকর মেলে রে ॥







বাঁস বনে ডম কানা তেসনে হেলি মর ঘটনা  
লাজেক কথা কিনা কহম আর  
নিরন গটা ঘুরি ঘুরি আষাঢ় মাসে আধবুড়ি  
ঢররাহি লেইকে সামাল ঘার ।।

রং- পিঁধলেই কি আর মানাতেক টসরেকর সাড়ি রে  
আঁইখ গিলা দেখাহেক জেসন টেকিকর কাঁড়ি  
ঘুরাই ফেরাই দেখরহিস এখন কহবে জদি ঢররি  
হেরইদ পিসা লটিটাই দাঁত গিলা দেবঁ দররি ।।

নাই একর আসিন ভাদর বারমাস খাই লদর বদর  
মাড় পানি খালে ত হেতি আঁকুর  
পড়লে টুকু আঁটেক কাম ভিতর ঘারে ছড়কা জাম  
কুঁহরেই জেসন ডিমপাড়া পাখুড় ।।

রং- ই সালিকর ফাড়েই জেসন রাইককসেক খঁচা রে  
ই খালভরাক জনম গেলেক ধন চিপি চিপি লউ  
একর ঘারেক মাড় দেখি কুকুর পারাই ছিকি লউ ।

মজলিসেকর মাঝে আজ টুকু হেলউ করে লাজ  
চিলুম মুহি না ন করে সেখি  
গজা মুটা রাখে সুগুম নাইত নেজ কালাহেক ফাগুন  
লেলে আনবেই চিহিল চিহিল দেখি ।।

গড়লে মুড় উঠি গেলে তাথউ কিছু করনি  
একর পরে বুঝে পারবে টুনা লালজিক মারনি ।।  
সাঁঘা করে ধড়ফড়াহিস জাইএক আহউ চুলহার  
বাগটিলুকর রখম তর লেউএক আহউ ঠুলারে ।।





রং- ভাললে সারারাইত ভাললে সারারাইত  
চিনিকউ রাউনি কাঢ়িস জাতউ বধই জাইত ॥

আইবোক পরবে বুলেহিস গরবে (২) গউ  
কলজাক মাঝে মকে মারি দেলে কাঁহিত ॥  
হামি তর গুলেক বাঁধু তঁঞ মর মুহেক মধু  
দেখি না পাউলে ধরি লরে ভিজৈই আইখ ॥  
লালজি গাউএ গিত হেতি জে মাথা ছিঁট গউ  
ছাড়িকে জাইসনা অ পরানেক পাইখ ॥





রং- অ বঁধু রে- অ বঁধু কা কহব দুখেক বাত  
তহর বিনে দিনে দিনে সুখাই গেলি গাত ॥ বঁধুরে...  
বুলেলাইঅ আউইস নি আর হামরাকর কুলহি । বঁধু রে...  
নদি ধারেক পিরিত করা রে সভে গেলে ভুলি ॥  
থাকে হেঁল মুহেক মধু বাসলে আর পর ।  
ভাদর মাসেক জুড়িআ লেখে রে বহেইসাহে লর ॥  
হাঁসি হাঁসি ভালবাসি জাতিকুল ভাঁড়ি । বঁধু রে...  
অসমইএ ডহরেকর রে মাঝে দেলে ছাড়ি ॥ বঁধু রে...  
আঁধে মুখেঁ খজি বুল কাঁহ নাই তর পাতা । বঁধু রে...  
লালজিই কহেই আঘাইল বঁখেকরে পুঁঠি মাছ তিতা ॥



ভালবাসা ভুলি গেলে আসায় রাখি দাগা দেলে  
কলজাহিঁ কলজাহিঁ মারি দেলে কহিত ।  
রং- কাঁহা জাইএ কাঁহা জাইএ কাটলে রাইত ॥  
ফুলেকেরি মালা গাঁথি জাগি রহঁল রাতি  
ভালি ভালি ভালি ভালি টাঁটাই গেলি আইখ ॥  
বুঝি লেলঁ চাতুরি মুঁহে গুড় বগলে ছুরি  
পাপে পাপে পাপে পাপে ভরি আইউ গাথ ॥  
লালজিই গাউঅইএ গীত বুঝিসনি পিরিতিক রিত  
হাঁসি হাঁসি, হাঁসি হাঁসি গুচাই দেলে জাইত ॥





২৭- পন টাকা লেউআকর দসে রে। (২)

আসাঢ় মাসে বিহা করি জড়া পুসে রে।।

ছামড়া তরে সাপানতঅ দেল সসুরে সাসে রে।  
অভিসাপটা পিড়ি গেলি গিরি গেলঁ ফাঁসে রে।।  
থুভড়া কালে বুলে হেলঁ রঁগ বিরঁগেক ডেসঁসরে  
চলে ত বুলে ত গিরেস এখন পিঁধনটা বদহঁইসে রে।।  
কাঁদাউলে কাঁদেলাই হেউএই জানত জে মানুসে রে  
হাঁঠুই চলে হেতউ লালজি সবুর করে সেসে রে।।



কালবাঘিন গেঁঠলি চা খাই এক কেটলি  
গটা ডিহে রাইস নাই সবাই কহথিক বিটলি।।  
দড়া চিমটিঞ কাটলি পিঠটা গেলি উথলি  
ইটা উঠা নাংগসা করি ভিতরসারে সুতলি।।  
এসন বহু জুটল কবউ নিহি পটলি  
মটা সরু কহে গেলে লালজিক দিগে সটলি।।





কাঁহে বঁধু খুলাখুলি কেথিক বাগে গেলে ভুলি হউ  
কিনা দসে মাঝ বইঅসে মন গেলউ বাঁকি ।।

রং- বঁধু দেলউ হউ ফাঁকি

রাইত গটা কাঁদাউলে পিরিতিক আসাই রাখি ।।

সিখাইএ পিরিতিক খেইল মরন সমান দেলে সেল হউ  
তহর বিনে সারাখনে ভিজেস জে আঁখি ।।

ভালবাসি মধু চুসি এখন হেলে বাঘেক মসি হউ  
লাজ সরম নাইখউ লালজী হেকিস মনপাপি ।।

ডুবি ডুবি খাহিস পানি এতনা দিন পর পাউঅল জানি  
ভুলাউলে আর ভুলম নিহি বুঝল চালাকি ।।



পিরিতিকর আশা করি রহল মমবাতি জরি  
দাগা দেলা, দাগাদেলা রসিক নাগর গউ ।।

রং- আঁখি লরে, সখি দেহি সরবর গউ

অতি ভাবেকর বঁধু থাকে হেলা মুহেক মধু  
কিনা দসে কিনা দসে বাসনা আইজ পর গউ ।।

সুখলি ফুলেক বিছনা না পুরলি বাসনা  
ভালি ভালি ভালি ভালি বাতি ভেলা ভউর গউ ।।

একে ত কাঁচা উমরি লাগি গেইল গুমরি  
লালজি এখন ডালছাড়া বাঁদর গউ ।।





জবুনা গেরহঁ সাঁঝ বেলা  
সখিআ রে মনেক মতন দেখলেই বাগাইলা ।।  
দেখি সে বাগাইলাক মুহেক হাঁসি  
সখিআ রে মন করেই পাসেই রহম বসি ।  
ঘুইমচা চুইলাক মেজুর পাইক মুড়ে  
সখিআরে লালজিকর ধৈআন অকর গড়ে ।।



রং- সূনে দুধুমাঞ গউ দুধুমাঞ  
দমে মাতাল তর নাতি জামাই  
আধা রাইতে ঢুসমলে সামাই ।।  
অ গউ সুধাই গর নাইখেক গেদি  
কাম পাইট আড়াউখৈ জদি  
ঠেঁগাটি লেই আউএই সানসানায় ।।  
অ গউ সুখেক আসা নাই জে মর  
দিনে রাইতে বহেই লর ।  
বুঝাউলে নি বুঝেই তালকানাই ।।  
গুচাই লেইকে বহাল জমি সরে পুরে টাকা গনি  
জমেক খালে দেলে হে সামাই ।।  
সঁচরহত বুড়ি বুঢ়াই খালভরায় সব দেলেক উড়াই  
বুমনা লালজিক বালে জিবন জাই ।।





তামা তুলসি মুড়ে লাদি কিআ খালে পেটে  
ভবেক মাঝে মিছা কাজে নাগ ভুলি থাকে

রং- রে মন ডহর জুতাই রাখে ॥

গুরু বলে গাথেক মেইল গুচাউএ পছিকে  
আঁখি নুবলে সবে আঁধার হাঁকাউ বেসি কাকে ॥

অধম লালজি দেখে নিরবে বসিকে  
মানুস জনম হেকেক জেসন পানি পদদঅ পাতে ॥



রহে হেলা খুখড়ি মরি গেলা উফড়ি  
ভাবি মর গউ সাঁঝ আর বিহান।  
টুনকি রগে গউ করি দেলেক ঢাহান ॥

কতেক দিনেক বাদে আউলা বেহাই সাথে  
ডিউনেক দুখে রাঁধলিঅ কলাই  
জিরাউএ না পারি বেহাইএক গেলেন গেটখলাই

ঢাইড় চেনগা সাঁঢ়া কটইর ডিমপাড়া  
টুনকি রগটা গউ সবেকর বাদি  
মরি গেলা গউ সব চড়কা লাদি ॥

খুখড়ি মরলে ছিকি লকে দেখিন ফেঁকি  
টিমঁগদার গউ লালজি ঢনকাঁঞ  
বাড়ি হেঁঠে খাইন নুনে তেলে বমকাই ॥





সুনা ভাইরা কানপাতি জতনা আইহা থুভড়া পাটি  
বুঝি সুঝি করবেহে বিহা  
এহে জুগেক এসনে রিতি বাপ বেটাই ঠকাঠকি  
পরেক বুইধে কেউ না চলিহা ॥

হামর বাপ কাকাকে বিসসাস করি বহু জুটলি এক আঁকাইড় রে  
দেখাই জেসন ঘাসি ঘারেক বরহা ঢাইড় রে  
মরল মুহা মারিভইআ কতেক গঢ়ন তর রে  
দেখাই জেসন, সরাবনেক মইসা টড় রে ॥

দেখা একর মুহেক জর হামকে কহেস মইসা টড়  
টিকটিকি চাপলাহেক মুড়ে ।

সবাইর পাসে দেইহন কহি এখন একটা ঝুঁড়ে ॥  
এহে টঠইর মুহিক সঁগে হেতি নি আর চিট রে  
কঁদউ হেলউ মকে করেই হেতি ঠিক রে ।  
সাঁঘা করলেই চিনহে পারবে হেঁক কেসন জেনি রে  
একে লড়িঞ অ তর হেতউ রকত বমি রে ॥

বারে বারে কলিকাল মরদ পিটা জেনিক তাল  
দান ধরম উঠলাহেক সব  
কহে গেলে মটা সরু নদবত জেসন এঁড়িআ গরু  
খাইএক সমই খাতা ডগ ডগ ॥

কুঁচড়ি ডেলি পুননা তলি সভে গেলি আঝাই  
সেসেক বেরা,মকেই দেলি লড়ি বাজড়াই ॥  
গঁড়র পকা লাগি গেলে সইনলাগাছ ঠসা রে  
বিহাক বাদে তেসনে মরদেকর দসা রে ॥





ভবেক বাজার আউলে কিনা দেখি পাউলে  
মিছা কাজে রহলে ভুলি রে অরে মন  
হরি গুন কই গাউলে, (২বার) মন রে...

নিজেক জেসন মরজি কাম করেহিস গরজি  
নেখঁউ মনে হেকউ কনে রে অরে মন  
দেহিটাকর দরজি (২বার) মন রে...

ভালই ভালই থাকলে লক আউবথু ডাকলে  
জেদিন আউতউ ঢেউ সঁগ নাই কেউ রে অরে মন  
কতউ ভাব থাকলে (২বার) মন রে...

লালজিক মিনতি সুনৈ কানপাতি  
গুরু বিনে সেসেক দিনে রে অরে ভাই  
নাই জে আইববাহতি (২বার) মন রে ॥



কলিজুগে মানুষ খারাপ ঘুরবে সতরে  
ধড়ফড়ালে ডেইড়কা রখম ঢুকবে ঢঠইরে ॥  
আসাঢ় মাসে পাকল আমেক আঁঠিটি সউআদ  
জউবন কালে পিরিত করে রইহা কেউ বাদ  
পিঁপড় গাছটা দমে মটা ফরটি একটুকু  
আসাই রাখি দেলি ফাঁকি ভেইগনাকর ফুফু ॥  
টিমঁগদাকর রকা খবর সুনি জা তরা  
মেনা লালজি পসই জাই বড়কি ভিনসরা ॥





জনম মরন জিবের ধরম  
অরে অ ভাই জানত জনে জনে  
ভাবি দেখে মনটাই সেসেকর দিনটাই  
অরে অ ভাই আপন হেতউ কনে ।।

হাঁসি খেলি নাচি সইদা কিনে বাছি  
অরে অ ভাই ভবেক হাট বাগানে ।  
আঁখি রহিকে আঁধা হেউএইস নারে দাদা  
অরে অ ভাই মজি বিসই ধনে ।।

ভালই ভালই থাকলে লক আউবথু ডাকলে  
অরে অ ভাই আদর পাউবে দমে  
সুখেক সমই সবাই দুখেক ভাগি কেউ নাই  
অরে অ ভাই পরমান (রামায়নে) ই ভুবনে ।।

লালজিকর বানি গড়লাগাঁ হামি  
অরে অ ভাই সূনে দুঅ কানে ।  
কাটবে জদি পাপকে পুজে রে মাঞ বাপকে  
অরে অ ভাই জাইসনা বিনদাবনে ।।





ভবেক হাটে ঘুরি ঘুরি বেরা হেলউ ঝিরিঝিরি  
আর মিছা কাজে না রহে মাতি ।।

রং- কিনিলে মন সইদা পাতি ।

জাইএক ডহর নলেকলে সাঁগি নাই কেউ আধার হেলে  
কনে দেতউ আলঅ বাতি ।।

চাপিস জদি গাড়ি ঘড়া না রহলে পইসা ভাড়া  
ঠেলি নাভাই দেতউ পিটি ।।

লালজি কহেই ভব নদি পাইরাইএক মন আহউ জদি  
নাচে গুরু নামেক মালা গাঁথি ।।



রং- সাধেক বেটিক বিহা গউ সাধেক বেটিক বিহা  
মাগেলাই আউলিঅ ভিখ দিহা ।।

গিরলাইহ বেটিদাইএ বুলেইহ গাঁউএ গাঁউএ  
সরু মটা না নঅ বজকিহা ।।

ছুটুই থাকে হেলি ভাল ঘার কররহি আলঅ  
বড়অ হেলি কাঁদাউলি জে হিআ ।।

ভিখ মাগি বেটিক বিহা সবাই দেখিহা সুনিহা  
কাহে লালজি উপাই নি করেইহা ।।





চুইল গেলি পাকি বুঢ়া কমর গেলউ বাঁকি  
তাউ কাহে হিঁদে হুঁদে বুলিস চাখি চাখি হউ ।।  
হেঁনাতিন হামর বইএস তিনকুড়ি পাঁচ গে  
সাবন মাখি সিনাউ জদি হেইঅজাম সউলমাছ গে ।।  
থুরু থুরু হেলে বুঢ়া তাউ কাহে খাঁখুস হউ  
দহে ডভাই বাঁপ দেলে রুসবথু আপুস হউ ।।  
লালজি নাম হেকি নাতিন ঘটকালিএও পাস গে  
তর রকম লকে মকে করত সাবাইস গে ।।



রং- দেতাক রে বাপে বিহা দেতাক বইসাকে  
সসুর আইলে কাটি দেবেই নেজঘুরা হাঁসাকে ।  
হামি বাপেক সাধেক বেটা হসর করি লেবেন টাকা  
আরউ লেবেইন ভটভইটা উড়ি বুলম বাসাতে ।।  
পাঁচ ভরি খাঁটি সনা থাল ঘটি লেবেন দমা  
হামর বিহাই জড়া ওআ মসাকে আর মসিকে  
খাসি কাটি দেবেইন জড়া ভজ খাই জাবেহে তরা  
লালজি হেতাক হামর ঘড়া জেটা লেতাক বাছিকে ।।





রিমিঝিমি বরসে পানি (২বার)  
সুখল নদিঞ বহে বান গউ ॥ (৪বার)  
ডভা দহে পানি বহে (২বার)  
কাঁপে জে কাঁচা পরান গউ ॥ (৪বার)  
সহচরি কেসে করি (২বার)  
বাঁকা সামেক পাসেঁ জাম গউ ॥ (৪বার)  
মুঢ় লালজি পেরেমে মজি (২বার)  
গাউএ হরি গুন গান গউ ॥ (৪বার)



বুঝেনি পারলিঅ চাটি ডাঁগাই ডুবাউলিঅক বেটি  
কুটুম গিলাউ গউ নিহি পারলিউন চিনহে  
রং- দুলার বেটি কাঁদেইস রাইতে দিনে ॥  
জামাইটা হেলা মাতাল ঘার বাটে নাই তাল  
বেরা ঘুরাই গউ একবার খাই দে গ সাড়িনে ॥  
বুলি বুলেই ধুরুক ধুসুক হেউএক বারঅ রখম অসুখ  
গটা গাথে খইরা উড়েক তেল বিনে ॥  
বেহাই বেহাইন কুঁথুক কুঁথু  
সভাব গিলাউ দমে ছুটু  
লালজিঞ কহেই গউ দুখেক সেস নাই জিবনে ॥





রং- তর সঁগে পেরেমে মজি হেলাহি মর ভুল  
লেলে জাতি কুল এখন হেলে ডুমইর ফুল।।

আউএ হেলিস লুচুক লুচুক রংগ বিরংগেক ডেরেসে  
হাঁসে হেলিস মুচুক মুচুক বসি হেলিস ঘেসে  
ফিরফির ফিরফির উড়ে হেলউ  
সেমফু লাগা চুইল সেমফু লাগা চুইল।।

আপন কহি রাখরহিস বাসলে আজ পর  
তর বিনে রাইতে দিনে আইখে বহেইস লর  
বুঝেলাই নি পারঅ কনটাক লেলে রে উসুল লেলে উসুল।।

নিসইততা লালজি তর মনে দমে খল  
ডাইল ছাড়া বাঁদরেক রখম করলে ডামাডউল  
এখন অবলাকর কাঁচা জিবন কাঁপেস দুলদুল কাঁপেস দুলদুল।।



একবেলা কাদা গাঁজি দুইএ গনডা গগলি বিঁঝি  
পিঁধনা লুগাটা গেলউ ভিজি।

রং- কেসে নি গাইর খাবে লউ ভাইসিঝি।।

পেছিআঞ নাইগবরেক চিনহা গরু গঠে করিস কিনা  
খঁপা খঁসাই দেলথু কউআই লুঝি।।  
ঘারে ঠার করা ছউআ কাঁদি আহিস বাঝি।।  
কন কাজে গটা দিন আহিস বাঝি।।  
পানি খাহিস ডুবি ডুবি আজ মাইর খাই হেবে কুবি  
দেখি লালজিই দেতেক ডিগবাজি।।





সাংগি ঘারে নাদি নাদি খাহিস দুঅ হাঁঠু গাদি  
নিজেক সিরে পড়লে জাবি বুঝি

রং- সকতাউঅল পিঁধনটা জাতউ খুজি।।

এঁড়িআ গরুই ধুনেই ঝাইল কেসন হেউএই পড়লে জুআঁইল  
দিসা নিহি পাউএই কাঁধ খিজি।।

হেই জাবে বাঁধল খাঁখড়া খিসড় জাতউ দুঅ পঁখড়া  
ছউআ পুতাএ মরাউবথু লুঝি।।

হিরঅগিরি জাতউ উড়ি রিঝা রং সব জাতউ ঝাড়ি  
খাটি খাটি চেপঅ হেবে লালজি।।



খাঁখড়াবিছাক নেজটা ঘুরল বিসে আহেক জরল জরল  
সুপলি গড়ে বিঁধত জদি লহরতউ বুককু।

রং- সুনিলে হউ ভেইগনাকর ফুফু  
একা দুখা জাইসনা তএ পাখড়ঘুট।।

খাঁখড়া বিছাই দেলে ছড়ি লইঅর হেই জাবে গিরি  
আঁইখ গিলা টেকি লেতউ দেখি পাউবে টুকু।।

খাঁখড়াবিছাক মারনি লালজিই কহেই জাননি  
বাপেক কিরা নাম সুনিকেই করেইস দাপাক দুপু।।





নাচ দেখি আৰু বুৰুইৰ সুনি ঘেইৰ হেই জাইহান ধনি  
চাইৰ বাটে রাখিহা নজাইৰ।

ৱং-দমে ঘূৰহত কান গজাইৰ।।

কান গজাইৰ টুকু জিনিস দমে মাইৰি আহেক বিস  
বিঁধলে লৰ বহতউ বৰবৰ।  
লালজিক কথাই না নঅ রাগা সমটি লিহা পিঁধনা লুগা  
না রাখিহা অৰবৰ।।



মাইৰি গউ ছ মাস বাদে হামি সসুৰ ঘাৰ গেরহঁ সাধে  
মকে বসুউ নিহি কহলা সুঘড়াই  
সবাই ভালে লাগলা কুঁধৰাই।।

ৱং- হামি পাৰাল হভড়াই।।

বাবুকৰ ছুটু মসি কেঁথিএও থাকে হেলি ৰুসি  
মসতঅ লটি দেলি বাজড়াই  
খাউআটা মৰ দেলি অৰাড়াই।।

আঁইখ ৰিংগাইকে আজিসাস গিৰগিৰালে আউলি পাস  
আঁধে মুঁধে দেলি লদড়াই  
বাহানিটিএও দেলি জবড়াই।।

লালজিই কহেই সূনা তৰা পাইৰালি এক মসতঅ ফাঁড়া  
মাৰি পিটি দেলা গবৰাই  
কনে পাঠাউ ৰহি নজৰাই।।





গরু সঁগে গরু মেসেই বাঁদরেক সঁগ বাঁদর রে  
দাদাক সঁগে বহু মেসেই জেসন জনহার গাদর রে  
লে রে ঝিঁগাই গগলি মেসেই ইঁচলা মাছে ফুঁইট রে  
আলু পসতু মেসাই দেলে রাঁধা ঘারে লুইট রে ॥

ছুটুমুটু বহুটি পানি আনে গেইল রে  
ডেগচি না ডুবে ত ডুবে ত বহুই ডুবি গেইল রে  
পাহাড় পাটা বলি হেলে নাএগাই পাউএই মুড়ি  
টাকা লেইকে বিহা করি লালজিই পাউলেক বুড়ি রে ॥



হামর বইঅস ডেড় কুড়ি মনটা বুলেইস উড়ি  
বিহাটা চাঁড়ে দে নঅ গউ দুধুবাপ সুখাই হেলঁ দড়ি  
জতেক হামর জড়ি ছউআই গেলেন ঘার ভরি  
দমে ছউআই জেঠা কহত গউ দুধুবাপ জাহঁ লাজে মরি  
কঁহহ কানধরি নি লেবেইন টাকা কড়ি  
বিনা টাকাই বিহা করম গউ দুধুবাপ হেউএ পারেই লেড়ি  
রইজগার নাই পড়ি খাম মাটি কড়ি  
লালজিই কহেই মানুষ জনম গউ দুধুবাপ  
আর কি পাউঅম ঘুরি ॥





২৭- তরা পঢ়া লছু পঢ়া ফুচু পঢ়ারে ভাল করি  
তরাক বহু দেখি দেবহন টকটইকা গরি ।।

অরে ভুকচুনদি জরত ঝুপঝুপ  
তেসনে জবরথুন বহু নাইরে কন দুখ  
তরাক হাঁসি খেলি দিন জাতহন  
বেটা হেবথুন ঢেইর করি রে ঢেইর করি ।

সিঁদুর ঘঁসে থাকা রেস পড়ি  
তরাক সাঁগে মিলাই দেবেইন হিরঅইন ছকরি  
হামর এহে জবান ফাঁকা জাই তঅ  
উঠম বসম কান ধরি রে কান ধরি ।।

সুনা সুনা সুনা রে বাছা  
মিছা আঝাট দেইনি হামি সব কথা সাঁচা  
অ তরা মিসটি ছাড়ি খাইহা নারে  
পরেক কথাই পকড়ি রে পকড়ি ।।





ছটকি লউ ছটকি দেখাই হেলিস মটকি  
কিনা চিনতাই সুখাই সিরাই গেলি ঝটকি ।।  
চুলহা গেলউ সটকি তিঅন গেলউ লটকি  
খাই বসিকে অ তর কুটুম পারাউ ছিটকি ।।  
পিঁধে হেলিস ছটকি দবড়ি ঘুরলে হিটকি  
মরাই দেলউ লালজিই পচল কথা উটকি ।।



তকে দেখি সুনদরি ছাতি উঠেই জরি জরি  
কাহে নি বুঝেহিস গরি মর মনেক বেথা হউ ।।

ରଂ- ହାମେ ଭାଁଉଅର ପକା  
ଧନି ତଂଂ ଫୁଲେକ ଧଁପା ହଉ ।।

ମନ କରେଇ ଟକଟକ ମଧୁ ଦେ ନଅ ଏକ ଟଙ୍କ  
ଆଂଂଂ ପେଛୁଇ ନାହିଁ ଲକ ଆଇଜ ଦାରୁନ ମକା ହଉ ।।  
ତଂଂଂ ହେକିସ ଫୁଟଲ ଫୁଲ ହାମେ ରାଖି ଦେବ କୁଳ  
ପିରିତି ଜଗତେକ ମୁଲ ବୁଝି ସୁନି ତଂଂଂ ବକା ହଉ ।।  
ଲାଲଜିଇ କହତ ବାନି ଗରବ ନା ଦେଖାଉହିସ ଧନି  
ମନେ ମନେ ଦେଖେ ଠାନି ଆଇବା ନି କାହିଲ ଚପା ହଉ ।।





রং- ভাদর আসিনে টানেক দিনে  
থাসাএও গেলিউ রিনে রিনে গউ ॥

বিহান উঠি নাই আহার ছউআ পুতাএও করত গহাইর  
থাল ঘটি বসাইকে চার কিনে গউ ॥  
মাহাজনেক দমে বুইধ ধরি লেলা সুধেক সুধ  
জমি বাহি লেলা বেআইনে গউ ॥  
লালজিই কহত ভাই কেনিআএও দাইএ রেহাই নাই  
কাঁদাই রাখি গেলি বহিনে গউ ॥



রং- হুবেকেরি রাতি মমেকেরি বাতি রে। (২)

সনাকেরি পালংখ ফুলেক বিছনা  
মিটি গেইল তরুন তরুনিক বাসনা  
সিরিমতি সামেক ঘেঁচাই দেল মালা গাঁথি রে ॥  
পেরেম পিরিতে হাই রে অমুইলঅ রতন  
হেলা করিহা না কেউ করবেহে জতন  
পেরেম বিনে সেসেক দিনে নাই জিবেক গতি রে ॥  
সাম রাইএক জুগল মিলন রূপেকেরি বান  
আকাসেক মাঝে জেসন পুননিমাক চাঁদ  
লালজি সুখি হেল দেখি জুগল মুরতি ॥





রং- কন ঘাটে ডুবাউলেসিক হাঁড়ি  
গিরি গেলউ গে ধনি টসরেকর সাড়ি ॥

টুলুটুপু ভরল বাঁধ পানিক ভিতর দেখাই চাঁদ  
মজি গেলে গে ধনি মাছে উফাইল মারি ॥  
ভরল বাঁধেক আগাড়ে বেঁগ চুড়পত গাজাড়ে  
ডরালে নি গে ধনি তকে বলিহারি ॥  
নিহি ত সুনলে মানা আইখ রহিকে হেলে কানা  
লালজিক সাঁগে গে ধনি হেলউ ছাড়াছাড়ি ॥



ভবেকে বাজারে ধরি জতনে আদর করি  
বাঁধরহেই মন বেড়ি হেউঅম কহি সুখি রে ॥

রং- আইজ রে পরান পাখি  
উড়ি গেলা কাঁদাই রাখি রে ॥

পিঁজরা রহলি খালি কপাল ঠক ভালি ভালি  
মনেক আসা না পুরলি (রহলি) রহল পিআসি রে ॥  
ধরজ না ধরেই মনে হিঁজরইএ সারাখনে  
বেথা বুঝাতাক কনে রহম কাকে দেখি রে ॥  
লালজিই কহত বানি কাঁদি ভাবি হাই রানি  
দুখে গেলি জিনগানি কন জনমেক পাপি রে ॥





এহে ভবেক মাৰো আউলাহিস জে কাজে  
সেটাই নি করলে কঁহে কেথিক লাজে  
সুনম হামি কান আড়িকে।  
কহি আউলে জেটা ভুলি গেলে সেটা  
বাঁচবে এসন কইদিন ভাঁড়িকে।।

ৱং- অৱে থাকে না আলিসে মাতে হরি চাসে  
ছল চাতুৰি ছাড়িকে।।

ভবে পঁহচাউলউ আনি দেহউ আহাৰ পানি  
তাকেই তঁওঁ আইজ নিহি চলসিক মানি  
ধমক দেলসিক হাঁথ ঝাড়িকে।  
হিঁগসা, নিনদা চৰ আসন সাঁগি তৰ  
হততা কততা বিধি ছাড়িকে।।

সইদা কিনি হাটে জাবে সসান ঘাটে  
তকে ছাড়ি সবাই ডহরতা ঘাৰ বাটে  
জেদিন ছাই বানি হেবে পড়িকে।  
ভাবিকে দেখে মনে সেই সেসেক দিনে  
কনে হেতউ আপন কহিকে।।

মনি সমান ধন মানুস জিবন  
বিফলে ওচাউলে নি করলে জতন  
ই জনম নি পাউবে ঘূরিকে।।  
মাইআ জালে বাৰি উফড়ি মরলে লালজি  
জনমটা ওচাউলে হেলিকে।।





দেসে দেসে ঘুরল ধনি কাঁহ নি পাউঅল গমি গউ  
হামি গিত ঝুমইরেক চাস  
পুরুইলাকর মাটি জখন পাউঅল দাঁপি  
মাইরি উড়ি গেলি ভুখ পিআস ॥

রং- হাইরে রঁগিন পুরুইলা রিঝে হেলক মারে বারমাস  
অহরে সখিন পুরুইলা রিঝে হেলক মারে বারমাস ॥

বছরে বছরে খরা দেখেইত পাউএই হাতরা গউ  
মরেক খেতে ধান আর টাইড়ে ঘাঁস  
মেনতুক সুরেক সিকড় রঁগ উঠেই আকাস ॥

হামর দেসে রুখা মাটি ধুধেঁ ঝুড়ে আহি টাপি গউ  
সুধাই গরিব দরিব লকেক বাস  
কেউ কাটত কাঠঝাড়ি কেউ পাকাউথিন বিঁড়ি  
তভু রিঝে কাটত বারমাস ॥

ছ নাচ বাই নাচ নাটুআ ঘড়াই  
জাউআ নাচ আর ডাইড় ঝুমইরাই গউ  
গাথে ঘাম বহে টাস টাস ॥  
লালজিই কহেই হরি জনম দেবে ঘুরি  
ঝুমইর দেসেক কলজাটাএও খাঁস ॥





ৱং- আদিবাসি দেসেকৰ মাথা গউ (২ৱাৰ)  
লটুইআ আৰ গটুইআ সভে কাজে পাকা হউ।।

কুড়মিৰা হেকত চাসি হাৰ বাহত হাঁসি হাঁসি  
বাগতিৰা নি ছাড়ত ডভা ঝিটা হউ  
জতই বাঢ়ত লেখাপটাই কুমাৰ গনাত হাড় গটাই  
কামাৰেকৰ আসল বিৰিত হেকেইন লহা পিটা হউ।।  
ডম মাহলিক বাঁসেক কাজে নামটা লিখালেন সমাজে  
মুচিৰাকৰ সউআদ চামড়াকাটা হউ  
চুইল দাঢ়ি কাটাই লাপিত টুকুউনি বুঝত থকিত  
ছলাছলি ঠকাঠকি ছুতাবেকৰ বাঁটা হউ।।

তেলি ঘাসি মুড়া মাঝি হাড়ি ধবা সবাই কাজি  
গইআৰ কুইৰি সুঁড়িক সঁগউ নাতা হউ  
মদি ৰাজুআৰ হৰিজন অৰাউ ঘাটুআল সবাইৰ ধন  
বাঁগালিৰা বাবু সাজি খাহাত হামৰাক জুঁঠা হউ।।  
৪। তাত ঘাৰে ঠেসলা তান্তি সাড়ি লংগি গামছা ধতি  
হৰেক ৰখম বুনলা লুগাফাটা হউ  
জালটানা জালবুনা এহেটা ভাগ পাউলা ঘুইনা  
হিন্দআৰ লালজিকৰ ভাগে গিত বুমইৰ হাঁকা হউ।।





দুখে না আর কাঁদে কমর আঁটি বাঁধে  
কাঁধ মিলাউএ কাঁধে ।

রনে চালে রে ভাই জই মানভুম কহি ॥

রং- বিদেশারাক অইততাচার নিহি রহব সহি  
মরাই দেলা রে হামরাক পরব আর গহগহি ॥

ভাবি দেখা বসি অহে পরদেসি  
খাহাত রকত চুসি  
তাথেই জই হরে হামরা দুখেক বানে বহি ॥

দালালে চাইল খেলি পুরইলাই ঠেলি  
আইজ কাঁদে হেলি  
পুরইলাটা গউ হামরাক কবউ আপন নহি ॥

বেসি না ভাবে জদি সুখে খাবে  
লড়াইএ নাভে  
মানভুমেক আনদলনে লালজি রে ঝাঁপ দিহি ॥





নিম কালমেঘ তিতা হরতকি কাসা রে  
দমে গুড়িআ সালি বহনইএক ভালবাসা রে।।  
এসনে লাগেক সালি বহনইএক ভালবাসারে  
খাইতে জেসন খাপর পিঠা সাঁগে ঝালগুড় মেসা রে।।  
মদ খালে গাঁজা খালে লাগি জাইক নিসা রে  
মজলে পেরেম পিরিতে পালটি জাইক দিসা রে।।  
পরেক ঘারেক তিঅনে কি জাইক মনেক আসা রে  
ঘনে ঘনে লালজিক মনে বাঢ়ি জাই লালসা রে।।



হারেক নালাই ঘুরি ঘুরি ছুউআটা মর হেলাক ঝুড়ি  
বেরা ঘুরাই খাউআএক বাইসাম।।

রং- কিনা মা গঅ জুটাউলে ভগবান।।

দুঅ গরুক বাঢ়াসঢ়া লিপা লরা তিনে সেরহা  
এহে কাজ গিলাহিঁ গউ অসান।।  
নাই কাজেক পরিপাটি লবরলবর মুহেঁ চাটি  
বে হিসাবেক তরহ মসিআন।।  
কহে গেলে মটা সরু নদরেই জেসন এঁড়িআ গরু  
লালজিকর চিরকাল হাইরান।।





এহে বছর খরা দারুন তাউ বাপে নি সুনলাক বারুন  
বিহা দেলেক নিজেকর জিধে  
দুই তিন দিন উঠাউঠি বজ খালা পেট ফাটাফাটি  
ইদুর বাঁদর চিল কউআ গিধে ॥

রং- কুঁচড়ি ডেলি পুননা তলি থাকে গেলি কুধা রে  
বিহা করি দাদা হেলি জে ঘার সুধারে ॥  
নাইখউ তর ধান চার নাইখউ তর আউড়ি  
অরে দগলা খাহিস সরাবন লে জাউড়ি ॥

বিহাটাই মর দমে খরচা তাউ করেস নিনদা চরচা  
পারা দাই এসন লকেক সাঁগে ।  
বর দেখা দিন ডম ডাহাল ডুকি গেলা পালেকে পাল  
তাউ তপি দেরইহন মাসেক ডিঁগে ।  
চপ সিঁগাড়া জিলপি পেড়া রটি বুনদা সবজি  
ভাতেক দারে আরউ একুক দনা কেজজি ॥  
খাসি বেড়াক নাম করিস খাউআইকে পলটি  
কিলাই দেবে জাবে নেড়িক ভরে ঘলটি ॥

পুরবা পুরুসেক বাত বাছে ত বাছে ত গুহেই হাঁথ  
বুঝি গেল বিহা করল পরে ।  
জুটি গেলিন খাভাডিন গট অনচলেক সাড়িন  
দিনে রাইতে কাঁপতে থাক ডরে ॥

রং- লালজিই কহেই থুভড়া কালে বুলেহেল হভড়াই  
বাঘিন বহুই দেলি পতর রখম দবড়াই ।  
হামর বাপে টাকা দেলউ লর পঁছি পঁছি রে  
তাকর উসুল লেবউ ভালুক রখম নচি রে ॥





২৭- অ বাবু রে হার বাহাটা সিখে জুইত করি  
দেখে বাগালে মুনিসে খরচ বেড়ি ॥

অনদ বেউনি জুঁআইল জতি  
সাইড়ক সমধিন বুঁটা পাসি  
ফার পাঁজাইএক দেল ফিটিগ করি ॥

বুঝি সুঝি লেবে আঁতর  
কাদাক ভিতর দমে পাথর  
সব সমই দেখাউহিস না গা জরি ॥

ছ দাঁতেক মাতাল কাড়া  
ভাঁগিস না রে হারেক টড়া  
ভালতে থাকবে আদা গোঁঠিআক মুড়ি ॥

টাইড ধারেক কানারি  
বাহইআটা আনাড়ি  
লালজিই কহেই থকাউসিক না হরি ॥





দেখাই জেসন হেরদ গাঁঠা তেসনে হামর গাতেক চেঠা  
 লেখাপড়াই হেঁক বিএ পাস  
 কনটাই নাই কমি দুই ফসইলা আহি জমি  
 ঘারে মুনিস খাটত বারমাস ।।  
 হামি বাপেক সাধেক বেটা বেসামাল মর চাসটা  
 বুনিআদি লক হেক জানত গউ আসপাসটা  
 অঘন মাসউ খরচ নাই এহে নাঢ়াক ঘারে লউ  
 আসাঢ় মাসেই রপল হেউএক এঁড়িআ গরুক হারে রে ।।

এসন বহু গেলি জুটি ঘাউ হেলি ফুসড়ি খঁটি  
 সমান হেলি সরা আর বাঁচা  
 বিহান উঠি খাই চাড়পা দুপহরে রটি তাড়কা  
 তাউ বজকি বুলেই মিছা মিছা ।।  
 খাইএক সমই চিকন চিকন পিঁধেক সমই দামি রে  
 ছাঁহর দেখা বহুক জালাই ফকির হেলঁ হামি রে  
 খাইদিস সাগ মাড় লুগা ফাটা ফাটি  
 লকেক পাসে নাম লেবেত মুটাই দেব কুটি রে ।।

মানুস হেঁক নহ গরু কাহে সহম মটা সরু  
 বারেক হামি মরম জেহেল খাটি  
 দে নঅ দাদা ঠেঁগাটি মরতি তাউ আর গেঁগাতি  
 আঁধে মুঁধে দেবেঞ ঠকিঠাকি ।।  
 লালজি কহেই বলুক আকাল নাইখেক ই জুগেরে  
 সাঁঝে গেলে বিহান হেতে তিনটি আউতা সঁগে রে ।  
 বিহা সাঁঘা ভুলি জাই থির করে মাথাটা  
 নাইত নেজ কালাহেক মাঘি পুজ তঁহি হেবে পাঁঠাটা ।।





রং- বেটা বেটিক জনম এক পেটে গউ (২বার)  
বেটাই পাউএই মুঁড়ে ঠাই কাহে বেটি গড়েক হেঁঠে গউ ॥  
বেটি দাইএ লাগেই পন বেটাই বিহাই হাসেই মন গউ  
কেথিক অপরাধে বেটি দুসমন ই জগতে গউ ॥  
খঁনজাকর চাইলে চলি চাঁটিই চাইল গেলি ভুলি গে  
সেই ফাঁদে আইজ গরিব দুখি কাঁদত ঝুঁড়ে পাতে গউ ॥  
চুঁটি টানি মাটি কড়ি আজাক আজা গেলা মরি গউ  
গিআনে কেউ দেখত নিহি বেটিক বিহা খেতে গউ ॥  
লালজিই এহে দেসে ই ডহরে চললে সেসে গউ  
অসমইএ বিনা বাজনাই উঠে হেতি ঘাটে গউ ॥





ঠেঁগা হাঁথে ছাতা কাঁখে মুড়ে বাঁধল পগড়ি  
বইঅস ভাঁগল বুঢ়াটাকে বাছুরে দেল হভড়ি ।।  
কুলহিক মাঝে রহেহেলেক কাদা পানি ডভরি  
থরঅ মরঅ হেইএ বুঢ়া গেলাক হাই হাই জভড়ি ।।  
লালজিই কহেই সূনে বুড়ি মুহাউএ গাঁইঠা রাবড়ি  
তেলে রসুনে ফুটাই দেবেক টুকু রগড়ি ।।



সেউ বুঁদা খাই নিরন গটাই কিছু কিছু লক জাহাত মটাই হউ  
ই সমাজে বেটিক বাপেক সুখে হেঁন টটি  
আর বেটাক বাপেক নাভি জাহেইন এতনাটা ভাঁঠি  
কেনিআঞ দেখা নাঁগসা করি গটা নিরন খাহাত ঘুরি হউ  
কন কনঅ বেটাক বাপেক হেলাহেন সৈঁখি  
মাইরি তিনচাইর বছর ঘুরি বুলহত চাখি চাখি ।।  
ই বতরে বেটা থাকা মানেই বেঁগকে জামা টাকা হউ  
লালজিই কহেই কিনা দসা হেতেক সেস কালে  
এখন কতেক লকে পাকল মচ পাকাউঅত নারকল তেলে ।।





বেরা ডুবাই মানে মানে গেরহঁ মঞ পানি আনে  
কাঁহা থাকে হেলিস তালকানা ।।

রং- হামর মন আহি সলউআনা  
তরে জুইত নাই কুদরা কামাইনা ।।

সাসেক সাঁগে বলাবলি ননদেক সাঁগ ঠেলাঠেলি  
নিহি সুন পুরসেক মানা ।।

কিনা কহি দেব কানু পেট ভরি খাঁউ নিতর বিনু  
নিতেই কদম তর আনাগনা ।।

ভাবি গুনি লালজিই কহেই ভালবাসা সহজ নহেই  
কেলৈংগকারেক নাই গউ সিমানা ।।





জাড়কালে অঘন পুস করত লকে কুঁস কুঁস  
হামরা ভিনসরাই আইগ তাপি  
টেঁকি অসরাইঅ কাঁপি কাঁপি ॥

লকে দেখিক মড়লি হামরাক তখন ছ সলি  
জেদিন টুকু অদা রহেই ধান  
সুড়ান না পুরেইতে বাহারাই ঘাম ॥

টেঁকি কুটা মাড় খালে জনমে নি পারবে ভুলে  
পুরঅপুরঅ দমে সউআদ মাড়  
বিনা তিঅনেউ করত চাঁড় ॥

জাড়কালে অঘন পুসে টেঁকি কুটত দহে দসে  
লালজিকর নাই টেঁকিক কাঁড়ি  
মিসিন আউলাই লেহেইক পইসা ভাঁড়ি ॥





স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত  
স্বাধীনতা সঙ্গীত



ভবে মাএগজালে বাঝি ঢেইরে হেলাহিস পাজি  
আর কি মাএ বাপেক কথা ধরবে।।

রং- সেসে রেকাই রেকাই মরবে (২ বার)  
এতেক পাপে জাবে কি আর সরগে।।

মাতলাহিস বিসই ধনে কন কিছু লেখউ মনে  
কিনা কহরহিস মাএক গরভে।।  
নিহি চিনলে সিহসসঅ গুরু জনমিকেই উতপাত সুরু  
কেসে করি ধরম রথে চড়ভে।।  
লালজিই কহেই পিড়িক পিড়ি সূনে পারে জাইএক সিড়ি  
সভে ছাড়ি গুরু ভজন করবে।।





রং- জাইএক ডহর খজি জাইএক ডহর খজিলে  
আহউ বতর হেউএ সতর গুরু ভজিলে ॥

সত সঁগে ঘুরি ঘুরি দেহি মাজিলে  
নিজেক নিজেক বুনল জালে রে নিজেই না বাঝিলে  
ই ভুবনে আপন কনে মনে দাঁজিলে ॥  
নাইবাত কথা গাইবাত করি কানে গাঁজিলে ।  
লালজিই কহেই পেরেম ভকতিক দহে ভিজিলে  
এহে ভবে বেচাক সভে চিনি বুঝিলে ॥



ধানে থাকেই আগড়া ঘারে থাকেই ঝগড়া  
ভাদর মাসে বহাল খেতে খলল থাকেই মগরা ॥  
কাদাই থাকত জেঁগটি কুধাই থাকত চিমটি  
আঁধার রাইতে গলি কচাই চরা থাকত অঁগঠি ॥  
ভজেক মুরাইদ পটলে দারু থাকেই বতলে  
ভালবাসাক আসাই লালজি বসি থাকেই সথলে ॥





রং- মজা মজা দমে মজা পুস পরবে মজা ॥

বাঁউড়ি মটর লটর পটর ঘুঘনি আর মুড়ি  
সিম ছেঁকা খাপরা পিঠা পেট ভরা ভরি  
পুসেকর সাঁকরাইতা পরবেকর রাজা রে ॥

দেলঘাটাই সবননাখাই দমে ঠেলাঠেলি  
হলুক বুলুক হলুক বুলুক বহনই আর সালি  
পাসাপাসি হেই গেলে খাত পেড়া গজা রে ॥

রঁগ বিরঁগেক সাজ পসাকে বুলত মেলাটাইড়  
লালজিই কহেই পুস পরবে সভেকাকর ছাইড়  
ভঁউঅরে খাই ফুলেক মধু মাতালে মদ গাঁজা রে ॥





টাকা লেইকে বিহা করা কতেক অধিন সুনাতরা গউ  
তাথে ত মর ২০ হাজার মটেই  
বিহা করি পহিল বার গেল জখন সসুর ঘার  
হামকে দেখিকউ ঘার গুসটি বুলত ডাঁটেই গউ ॥

রং- গড় ধউএকর পানিঅ নি জুটেই  
নিজেক বহুটিঅ অরাক দিগেই সটেই গউ ॥

পঁইআর দড়িই মনে করি রাখরহত খাইট দড়ি গউ  
সেটাউ বিছাই দেলা বাহার বাটেই  
চাইএক বদল ছাঁছাক পানি ছুটু সালিটিই দেলি আনি  
লাজে হামর মু নিহি ফুটেই গউ ॥

সুখল পলাস পাতর চিরি ভুঁসা ভরি দেলা বিড়ি গউ  
দিআসালেক কামটা কেঁদ লুআঠেই ।  
সরজিনটিক সেরে রাসতা ফাঁড়সাউএ দেলি চট বসতা  
সেটাউ ছিটল তিনঠিন বদজুতেই গউ ॥

এতেক বড় নিসইততা খাই দেলা অল ভেততা গউ  
সারারাইতটা কুঁহরহ খুজিঅতেই ॥

মাছ মাস দেখে সনা রসুন মাড় এক দনা  
তেল হরইদ নাই দেখি সিইরে উঠেই গউ ॥

ঘুমাই দেলা বেড়ি গদরি এক নার হাঠাই রঁহল জবড়ি গউ  
ভেঁড়ারি সামালা মুঁহে নাঁখেই ।  
লালজি এতেক পিসনা মরদ টুকুঅ নি বুঝেই দরদ  
আধা রাইতে মানে মানে কঁখেই গউ ॥





করম ধরমেক মূল পুজেলাই নি করত ভুল  
বহু বেটিই রাখত কুল নানা হরপে সাজি ॥

রং-ভাদরে ননদ ভউজি  
গেলা জাউআ নাচে মজি হউ ॥

ছলকি মলকি হিলি বেড়াউহত জাউআ ডালি  
মিঠা মিঠা ভাদইরা গিত গাউঅত দাঁজি দাঁজি হউ ॥  
সরাবনে রপারপি বাহারে কাম থকাথকি  
সাঁঝে তাউ আখড়া জুমাউঅত ঘামে জাত ভিজি হউ ॥  
করম একাদসি নাচে লাগত মাঞ মসি  
দেখি জারাক লাগে ন হাঁসি তারাই ত বেলাজি হউ ॥  
লালজিই কহেই বেটি ছউআই মুড়েক ঘামে গড় ধউআই  
করম গুঁসাইএক দহাই দেখিক মাসাবধি হউ ॥





কিনা কহম সখি মর দুখেক কথা  
আধাদিনে বঁধুই ডহরে দেল কাঁটা ।

পেরেম পিরিতি সিখাইএ ।

মিছা কথাই ভাঁড়ি বিনদাবন ছাড়ি  
মজি গেলা জে কন রূপসি পাইএ ॥

২৭- অসমইএ ছাড়ি গেইল কাহে (২)

হামর ঘুমেকে আলিসে লর বহে  
সখি কহি দে গউ এখন কাঁহা আহে ॥

টিমা গুড়েক রখম গুড়িআ ভালবাসা  
কিনা দসে বঁধুক আজ হেলেন কাসা  
বিদেসে রহি গেইল সে দেইএ  
সনা লেখেন কাইআ হেলি জে মর খইআ  
কাঁদ ভাব গউ বিছনা বিছাইএ ॥

ভাবি লিহা সখি ফেড়ে আর ডগে  
বিনা বুঝিকে জাইহা জদি লভে  
হেতহন অপমান হেউএ  
চরা ভালবাসাই মু গেলি মর ঘঁসাই  
দেখা কলকঁ রহলি দুনিআইএ ॥

জউবন কালে কুলবালা জাতি  
বঁধু বিনে দিন বারটাই আঁধার আঁখি  
ধুরুক ধুসা ভুঞে লটাইএ  
মুঢ় লালজি ভনে মন জুড়াউতাক কনে  
সামে ডেরা লেলা মথুরা জাইএ ॥





বিহা দেলে হে মাঞ বেচি বহাল খেত  
নিধইনাকর ঘারে চলেই নি জে পেট  
কিনা কহম আর লাজে গউ ।  
কসটই কাট দিন খাট গউ কামিন  
হামর কবউ দিন গেলিনি রিঝে গউ ॥

২৭- অ মাঞ গিরাউলেহে দারুন বেজে গউ ॥

মিছাই কহে হে লিহা হেকে বহাল চাসা  
আহেক দলান দলান কঠা দুআরে গেট বসা  
সভে মিছা দেখল নিজে গউ  
আহেক গউ আইড় চাইলা মুনগা কাটেক পেলা  
ভাঁগল ফরকিই ডরাউ রউজে গউ ॥

বাপউ কহে হেলাক হেতউ বেচি সুখ  
গটা গাঁউএক উপরি জামাইএকর রূপ  
পড়েই বোইলদাকর কলেজে গউ  
নহে গউ সিকখিত অলকঁকল সে তঅ  
অ মাঞ কুকুরে হভড়থিক রজে গউ ॥

কাঁচা উমইরে দুখে কাঁদেইন পরান  
এসন জিবনেক নাই জে কনঅ দাম  
ভাবি দেখা মনেক মাঝে গউ  
লালজি পামর কাঁদেই বারবার  
এহে দুখে ডুবল সমাজে গউ ॥





২৭- বতর আহউ সতর হেউএ রে (২)  
নাই ত সেসে হাবুডুবু খাবে নদিক ঢেউএ রে।।

বাঁচবে কি আর পারাই পারাই  
বাঁচবে করি লুকালে গাঢ়াই রে  
এক মুড়ালে বেরা ডুবলে হেতউ হিসাব দেউএ রে।।

ভবেক হাট বেজাঞ ভিড়  
ধইড় ফইড়া মন করে থির রে  
অগবকাই কে জাসনা ভুলি খাঁটি সইদা লেউএরে।।

আগ ফেড় না ভাবি  
পানি খাইস না ডুবি ডুবি রে  
অধম লালজি পেরেমে মজি  
হরি গুন গাউএ রে।।





গেরহঁ মই বরিআতি ভজ খাইকে গেলঁ চেতি গউ  
ভালই টুকু হেল পেসমান।  
পরেক পাই বিনা বুঝি পাতর তিনেক দেলেই সাজি  
খাই উঠিকে তিনবার উববান গউ।

২৭- ভজ খাইকে ধরলাইঁ কান।।

ডহল বিকল কাঁপি কাঁপি ঘার আইল মটর চাপি গউ  
ঘারে আইকউ নাই জে আউসান।  
নদি ধার আর হেঁটবাড়ি ইড়কি বুলঁ কাম ছাড়ি  
থকি গেল না হেতে বাইসাম গউ।।

ঘারে আহি আপন বহু গাইর ফইজর দেই তেহঁ গউ  
কহেই জানিস নিহি পেটেকর পড়াইন।  
মারিভইআ এসন ভজ তঁএ খালে হামর গজ  
বহাই গেলি ঘারেক কতেক কাম গউ।।

টেবলেট আর সুই ছড়ি ডাক তারে লেই ছকুড়ি গউ  
জিউএক জাল বেকলঁ বিহন ধান।  
ঢনকা লালজিকর বানি ভজ খাই বল রকত হানি  
এখনউ টুইএক আহি বিসি টানি গউ।।





করম পরবে জাউআ নাচে রে (২বার)  
আনেলাই জাবে দাদা ভাদরেক দু পাঁচে রে ॥  
তকে বহিন নিহি জাব ভুলি রে তকে বহিন নিহি জাব ভুলি  
ভাদর আদরেক দিনে আনব হামর কুলহি রে ॥  
ভাদর মাস বেড়ি হুবেক দিন রে  
মনে রাখবে দাদা পিঠেকে বহিন রে ॥  
কাম পাইট জতেক জাতি বহি রে  
একাদসিই কাঁদাউ বান লালজিই দেইল কহি রে ॥



মদে গাঁজাই সঁঞা গেইল মাতি  
বহিনি গে লরে ভিজাউহঁ মঞ ছাতি ॥  
মাতালেকর হাঁথেই চাভি কাঠি  
বহিনি গে দাঁপ দেউএক রাখেইন না মাটি ॥  
সেসেক সমই কিনা হেউএক গতি  
বহিনি গে ভেড়ি ডাবেক লেখে লালজিক বেটি ॥





৭৫- লউতন লউতন সসুর ঘারে মান  
ছ মাস বাদে খাবই কামান রে।।

জেসনে হেউএক ছটঅ বডঅ, লহর চহর খুখড়ি গেড়  
খাউআক বাদে কড়া মিঠা পান রে।।  
লেধড় পসে পড়িস যদি সাস সসুর অ হেবথু বাদি  
ঘার ঘুরবে মচড়ি দুঅ কান রে।।  
আঘাইল বাঁঘেক পাঁঠি তিতা সাঁচা কথাই হেকেক ইটা  
বুঝি সুঝি করবে লালজি কাম রে।।



হামর ঘারে রঁগিন টি.ভি. দেখাটাই নাই মানা রে  
খারাপ করি দেলে বাবু চলি জাম থানা রে।।  
হামর খাইট পালঁখ ঘুমা বসা ছুআ রে  
ভালবাসা ছিঁটি জাতি ভাঁগি দেলে পুআ রে।।  
মাগি খাউআই দস নাই চেকাঁ চেকাঁ দহি রে  
চুকা ভাঁগি দেলে বাবু নিহি রহম সহি রে।।  
লালজিকর বুঝইর গিত সুনতে মজা দমে রে  
ভনিতা পালটাইহা জদি লেলে জাতন জমে রে।।





চইত বইসাখ মাসে রে সখি হদকে ছতিআ  
কাঁদি ভাবি কাঁদি ভাবি কাটহঁ রাতিআ

ৱং- কবে ঘুরতা মর পিআ ॥

ভালবাসি মধু চুসি রে কাঁদাউলা জে হিআ  
ঘনে ঘনে পড়েই মনে সউআদ পিরিতিআ ॥  
সনাক রখম দেহিৰে হেই গেলি জে খইআ  
পাসান সাজলাহে লালজি কেসে জে নাই দইআ ॥



আসাড সরাবন ভাদর কাঁসাই ধাৰিঞ লাগে ডর  
টুলুটপু আউএই নদিই বান গউ  
টুলুটপু আউএই নদিই বান গউ ॥

ৱং- দেখি নদিক বান ডরে কাঁপেই কাঁচা পৱান ॥

আসিনে পুৱবাহৰা বোইড নদিই বান আৰউ ঢেইর  
বহাই গেলি খেতেক ৰপল ধান গউ ॥

১৩৯৯ সনে কাঁসাই নদিকৰ বানে

ঘাৱ দুআইৰ হেৰহি ঢাহান ॥

লালজি হিন্দআৰ কহেই বৱসা গুনে নদি বহেই  
দিন গনি পাঠাউএই ভগবান গউ ॥





রং- দেহি দহে ফুটি গেলি ফুল  
সেহ ফুলে নাসি দেলি কুল গউ ॥

দেখি ফুলেকর ধঁপ ভঁউঅর আউএ ঝপঝপ গউ  
ডরে পরান কাঁপে দুলদুল গউ  
রূপে মারল আলা বাঢ়ি গেইল কতেক জালা  
পিরিতে মনউআ বেআকুল গউ ।  
লালজিই গাউঅত গান ফুল বড় ভাইগমান  
জনম মরন দুইএকর মুল গউ ॥



রং-অ গউ মড়ই থান অ গউ মড়ই থান  
দইআ করে গাউঅব ঝুমইর গান  
আপন কহি নাই জে গিআন ॥

গরিব ঘারেক গরিব ছউআ নিজেক গুনে করে দইআ  
আজ আখড়াই না করিস অপমান ॥  
ছউআ কহি ভালবাসিস মনভরি দেবে গউ আসিস  
ঝুমইর গিতে বহাই দেবেইক বান ॥  
লালজিই কহেই সেসেক বেরা গড় তরে দিহা ডেরা  
পুরাউবেহে এহে মনসকাম ॥





তঁও হামর চইখেক বালি তকেই আহঁ ছলকি  
 কঁহে ধনি কাহে ধনি দেখাহিস ভেলকি ।।  
 কাইল হামর বাসি হেলি আধা কেজি জিলপি  
 কহে ধনি কাহে ধনি তও এতেক পুলকি ।।  
 পিঁধাঅব তাঁতেক সাড়ি খাউআব লালকি  
 তর লাগি আনম আরউ মাঘ মাসে পালকি ।।  
 মিলিমিসিকে রহব জেসন মাস ভুজাই গলকি  
 লালজিই কহেই ডরাব নিহি গেদি গেলউ ছিলকি ।।



রং- কিনি দে বাপ সাইকেল গউ  
 বারে বারে পরেক গড়ে নিহি দেবেইন তেল গউ ।।  
 না নঅ বেসি করে লেট কিনিদে বাপ হিরঅ জেট  
 সাইকেল চালাউএক হামর উমইর হেই গেল গউ ।।  
 জতেক হামর আহাত সাঁগি সাইকেলে বুলহত রিঁগি  
 দেখি দেখি কলজাটাই লাগি জাই সেল গউ ।।  
 কাকউ জদি খজে জাবে কথা কহত বিনা ভেদে  
 লালজিই কহেই মুহেই ভাব গাড়িক সাঁগ নাই মেল গউ ।।





পাতলা কমর নাখেঁ লুলুক,  
ঠুমকি চাইল দুলুক দুলুক,  
ভালিস হ্লুক বুলুক ॥  
পলাস ফুল জেসনে লাল  
ধনি তর তেসনে গাল ॥  
মুচুক মুচুক হাঁসি তর  
দেখি মন উদাসি মর  
রাউ কাড়ে লাগে ডর ॥  
বিঝালিকর ঝালকন  
তেসনে তর মলকনি ॥  
লালজিই গাউঅই ঝুমইর তর আঠারঅ উমইর  
হেকিস পাকল ডুমইর  
গরব করিস না ধন, আচকি গিরবে কখন ॥





কহি দেহঁ মাইৰি বাপেক কিৰা  
সজনি ৰে ৰিবেক ভাঁড়ার মৰ জনম টিঢ়া।  
খাটি খুটি জুটাউব মাড় পানি  
সজনি ৰে ৰিবে ৰংগে বিতাউব জিনগানি।।  
কলকলিআ ঝুমইৰেকৰ সুৰে  
সজনি ৰে লালজি পাগল বুঢ়া উমইৰে।।



সুখল টাইড়ে দউড়েই ঘড়া পেছুই উড়ে লাল ধুৱা  
সাধে লভে নেইহৰ গেলে পেছুই জাই মুহজাৱা  
এতেকে অভাইগা কপাল জুটলাহে পুসকৰা  
পইলা সাঁৰো ঘাৱ সামহালে বিদাই মাগেই ভিনসৱা  
অলহকঁকল লেলহা গুমসা বুৰাই অসন মু চৱা  
ঐৱৰি বনে বিলাই ৰাজা হেকে লালজি খালভৱা।।



মলকি কুড়মালি তাপি বাইলি